

BASES DE PARTICIPACIÓN VIII VOLANTE DEPUTACIÓN DE LUGO

Un ano máis, levaremos a cabo o Volante Deputación de Lugo, iniciativa que consta da realización de cursos de formación técnica e de condución segura, tamén no campo da competición, e dunha selección de pilotos que se completará coa participación do gañador ou gañadora desta selección cronometrada no propio Rally San Froilán, dentro do equipo de competición PTC Escuela, que é a empresa adxudicataria titular dos dereitos de utilización do circuíto da Pastoriza (Lugo).

Esta actividade deportiva e formativa que persegue introducir aos máis mozos nun deporte con tanto arraigo na nosa provincia, permitiralle así ao gañador/a vivir unha experiencia única aos mandos dun Suzuki SwiftSport no Rally San Froilán.

O evento terá dúas partes claramente diferenciadas. Unha formativa, na que tódolos/as participantes recibirán un curso de condución para igualar e equilibra-los coñecementos entre uns e outros, e outra puramente competitiva, na que tódolos participantes divididos en grupos enfrontaranse nunha proba cronometrada da que sairá o vencedor do VIII Volante Deputación de Lugo.

O vencedor da citada proba cronometrada será seleccionado como piloto titular e participará no Rally San Froilán 2019, dentro da estrutura do equipo de competición PTC, como premio final dese proceso. O segundo e terceiro clasificados serán considerados pilotos suplentes e recibirán como premio unha formación específica de piloto a través dun curso multidisciplinar de competición, curso ao que lóxicamente tamén terá acceso o vencedor.

As probas de formación en condución e cronometraxe competitiva, que popularmente se vén denominando Volante Deputación, disputarase os días 12 e 13 de outubro de 2019 no circuíto da Pastoriza, único circuíto oficial destas características no territorio da provincia de Lugo. O número máximo de participantes será de 185.

A inscrición realizarase enviando a folla de inscrición, ó seguinte e-mail: piloto@ptcescuela.com

O prazo para envia-los formularios de inscrición ábrese o xoves 3 de outubro ás 15:00 horas e remata o venres 11 de outubro de 2019 ás 10:00 horas. En ningún caso se terán en conta as inscricións realizadas antes ou despois de dito prazo.

A selección dos participantes do VIII Edición do Volante Deputación farase por estrita orde de recepción do mail coa documentación solicitada, totalmente cuberta e asinada, ata cubri-las referidas 185 prazas existentes.

Requisitos de participación e de admisión:

Para poder formaliza-la inscrición nesta edición, os interesados deben cumpri-los seguintes requisitos:

- Ter entre 18 e 35 anos na data de celebración da selección (12 e 13 de outubro de 2019).
- Estar empadroadado/a en calquera dos municipios da provincia de Lugo, con anterioridade ó 1 de outubro de 2019.
- Non ter quedado como piloto (conductor) entre os 3 primeiros postos de calquera trofeo, copa ou campionato de ámbito nacional ou rexional de calquera disciplina automobilística, con excepción do karting, nos últimos 6 anos (2014-2019, ámbolos dous incluídos).
- Non ter quedado como piloto (conductor) entre os 5 primeiros postos da xeral na clasificación final de calquera evento ou proba de ámbito nacional ou rexional de calquera disciplina automobilística, con excepción do karting, nos últimos 6 anos.
- Non ter gañado ningunha edición do denominado “Volante Deputación” ou outra selección de pilotos celebrada nos últimos 6 anos. (2013-2018, ámbolos dous incluídos)
- Estar en posesión do permiso de conducir nas fases nas que sexa imprescindible telo (formación multidisciplinar de competición, adestramentos e rallie).
- Reunir, na data de celebración do Rally San Froilán do ano 2019, tódolos requisitos esixidos pola Federación Galega de Automobilismo para obter a Licenza de Piloto segundo a normativa para a expedición de licencias do ano en curso.
- Coa inscrición nesta selección, o solicitante autoriza a PTC Escuela a solicitarlle ás Federacións e Órganos pertinentes, as certificacións oportunas para a comprobación dos puntos anteriores.

Normas de participación:

A inscrición será por rigorosa orde de entrada dos correos electrónicos coas solicitudes, ata cubrir as 185 prazas existentes.

No suposto de que por calquera circunstancia o vencedor non puidera disputar o Rallye San Froilán ou renunciara voluntariamente, o premio pasaría ao segundo clasificado e así sucesivamente, sempre que cumpra cos requisitos establecidos nestas bases e na normativa que sexa de aplicación.

Aos efectos previstos na vixente lexislación de Protección de Datos de carácter persoal, a inscrición neste evento ten carácter totalmente voluntario, sen que se soliciten datos persoais distintos dos necesarios para a súa adecuada xestión e desenvolvemento, os cales non serán obxecto de cesión a terceiros sen consentimento expreso do titular. En todo caso, os que formalicen a súa inscrición no evento, consenten a publicación do seu nome e apelidos, así como das imaxes de medios de comunicación obtidas durante o desenvolvemento dos procesos de selección, formación e competición.

Documentación a presentar:

- Solicitud de participación debidamente cumprimentada
- Fotocopia do DNI
- Certificado de empadramento do respectivo Concello